

Миннатдорлик ҳисси

16:28 / 19.04.2017 2718

Ичимда чинакам шукrona ҳисси уйғонди. Ҳозиргина биз сұхбат қилған кишининг bemorligida бошидан кечган ҳиссиётлар таъсир қилаётганди:

“Операция столидан яқнда чиққанман, ҳамма тарафим чандиб ташланган. Бир пиёла сув сүраб шифокорга ялинаяпман, аммо иложи йүқ экан. Үша маҳал бор-будимни — ҳовли-жойу, машинамни бир пиёла сув эвазига алмаштиришга тайёр эдим”, — дейди сұхбатдошимиз қўлидаги чойни мароқ билан симирап экан.

Яширмай айтаман, ўзим қачон хатога йўл қўйган бўлсам, уларнинг барига ношукурлик сабаб бўлган. Қизиқ томони ўзимиз бир муруват қилсак, ундан билиб-бilmай бемисл миннатдорчилик умид қиламиз. Аммо ўзимиз Яратганинг бизга берган неъматларига шукrona қилишни унутиб қўямиз.

Шу замоннинг гапи, яқинларимиздан бирининг телефонига пул ташласак, ундан раҳмат кутамиз. Бир танишим байрам баҳона турмуш ўртоғига гул олиб боргани, қанча шодлик билан топширгани, аммо унга беэътибор қарагани учун хафа бўлганини гапириб қолди. Яъни хотини гулни олиб, дераза олдига қўяди. Қайта-қайта миннатдорчилик билдиrmайди. Оқибатда ёш келин-куёв орасидаги муносабатга дарз кетишига оз қолган...

Бу каби мисолларни кўплаб келтириш мумкин. Аммо нега ўзимизга-ўзимиз савол бермаймиз, Яратганинг бизга берган неъматларига нақадар шукrona келтираяпмиз? Агар шу саволга вижданан жавоб қидириб кўрсак, ҳаловат топармидик!?

Кўзларимиз соғлом, ёруғ дунёни кўраяпмиз. Лекин бу ҳақда деярли ўйлаб кўрмаймиз ҳисоб. Қанча кўзи ожизлар фарзандлари, набиралари — оиласини бир бора кўриш илинжида ҳаёт кечираяпти. Дунё улар учун бир умрлик зулмат. Бир неча соат электр токи бўлмаса, беҳаловат бўлиб ҳеч жойга сиғмай қоламиз. Шукrona қаерда?!

Эшитаяпмиз — гап-сўзлар, чиройли мусиқалар, қушлар чуғури. Мақсадини қофозга ёзиб бериб, сұхбатлашаётгандар борлиги ҳаммамизга аёнку. Бу каби тили чиқмай қолганлар-чи...

Санаб адoғига, шукrona қилиб сүнгига ета олмаймиз аслида. Бемалол бориб ҳожат ушатиб келаётганимиз минг қатла шукрга татийди. Шу ишни сунъий амалга ошираётганлар, меъёрий ҳаётни орзулаб яшаётганлар борлиги ҳақиқат-ку ахир!

Зеро, муқаддас китобларда ҳам иймоннинг ярми шукр бўлса, ярми сабр эканлиги баён қилинган. Бир бесабр дўстимиз тезроқ ва кўпроқ бойиш ниятида хорижга йўл олганди. Унинг ўзи қанча мاشаққатлар кўриб, оиласини ҳам минг бир мусибатга қолдириб Ватанга қайтганига гувоҳ бўлдик.

Ниятимиз ҳеч биримизни миннатдорлик ҳисси, шукrona туйғуси сира тарк этмасин. Ўзи адаштиrmасин!

Азиз НОРҚУЛОВ,

журналист